



# আমতলী উচ্চ বিদ্যালয়

স্থাপিত-১৯৬২খ্রিস্টাব্দ

ডাকঘর-আমতলীবাজার, উপজেলা- মনোহরগঞ্জ, জেলা-কুমিল্লা।

School Code-8347.EIIN-105866.MPO Code-0811161302

Email:ahs105866@gmail.com Mobile: 01715-252156



## এসএসসি পরীক্ষার্থী ২০২২খ্রি.এর বার্ষিক মিলাদ, দোয়া ও বিদায় অনুষ্ঠান

### অনুষ্ঠান সূচি:-

❖ পবিত্র আল কোরআন তেলাওয়াত	ঃ	সকাল-১০.০০মি.
❖ সভাপতির আসন গ্রহণ	ঃ	সকাল-১০.০৫মি.
❖ প্রধান অতিথির আসন গ্রহণ ও পরিচিতি	ঃ	সকাল-১০.০৭মি.
❖ বিশেষ অতিথির আসন গ্রহণ ও পরিচিতি	ঃ	সকাল ১০.০৮মি.

### সকল মেহমান ও শিক্ষক গণের আসন গ্রহণ ও পরিচিতি

➤ সভাপতির স্বাগত বক্তব্য	ঃ	সকাল ১০.১৫মি.
➤ মানপত্র পাঠ এসএসসি পরীক্ষার্থী	ঃ	সকাল ১০.২০মি.
➤ মানপত্র পাঠ অধ্যয়নরত শিক্ষার্থী	ঃ	সকাল ১০.২৫মি.
➤ শিক্ষার্থীর পক্ষ থেকে বক্তব্য	ঃ	সকাল ১০.৩০মি.
➤ অভিভাবকের পক্ষ থেকে বক্তব্য	ঃ	সকাল ১০.৩৫মি.
➤ বিশেষ অতিথির পক্ষ থেকে বক্তব্য	ঃ	সকাল ১০.৪০মি.
➤ শিক্ষকগণের পক্ষ থেকে বক্তব্য	ঃ	সকাল ১০.৪৫মি.
➤ প্রধান অতিথির পক্ষ থেকে বক্তব্য	ঃ	সকাল ১০.৫০মি.

### ○ মিলাদ ও দোয়া অনুষ্ঠান ও সমাপ্তি ।



বিসমিল্লাহির রাহমানির রাহীম  
আমতলী উচ্চ বিদ্যালয়ের ২০২২খ্রিস্টাব্দ সনের  
এসএসসি পরীক্ষার্থীদের পক্ষ থেকে  
“অশ্রু সিক্ত দুটি কথা”

ওগো শিক্ষাগুরু,

দীর্ঘকটি বছর আপনাদের চরণপ্রান্তে বসে স্নেহসিক্ত সন্তান সুলভ শিক্ষা লাভ করার পর আজ আমরা এসএসসি পরীক্ষায় অবতীর্ণ হতে চলেছি, এ সময়টুকু মধ্যে বহু স্মৃতি এসে আমাদের হৃদয়ে ভোরের পাখি যেভাবে ঘুম থেকে জাগিয়ে দেয় ঠিক সেই ভাবে জাগরুক করে গভীর ভক্তি ও শ্রদ্ধায় সিক্ত হয়ে ওঠে। এ বিদ্যালয়ের প্রতিটি ধূলিকণার সাথে আমাদের অন্তরে গভীর সম্পর্ক বিদ্যমান যা কখনও ভুলার মতো নয়। আজ দোয়া এবং বিদায় বেলায় হৃদয়ে গভীর বেদনা ও ব্যাখ্যা অনুভব করছি। তাই শোকাহত ও ব্যথিত মন নিয়ে আমাদের শ্রদ্ধাঞ্জলি নিবেদন করতে আপনাদের সমীপে সমবেত হয়েছি। আপনারা সবাই গ্রহণ করুন ভক্তি ও শ্রদ্ধা।

আমাদের পরম সৌভাগ্য যে, আমরা আপনাদের মত সুদক্ষ, বিচক্ষণ ও প্রজ্ঞাবান শিক্ষক শিক্ষিকা মন্ডলীর পদপ্রান্তে বসে শিক্ষা লাভ করার সুযোগ পেয়েছি। আপনাদের এই জীবনে কতশত ছাত্র ছাত্রীর জ্ঞান নিজ হাতে প্রজ্বলিত করেছেন, কত পথহারাকে দিয়েছেন পথের সন্ধান, দূরীভূত করেছেন কতশত শিক্ষার্থীদের অজ্ঞানতা। আমরাও যেন সে আলোকে নব পুষ্পরূপে বিকশিত হতে পারি এবং আপনাদের জন্ম জীবনকে সার্থক করে তুলতে পারি। আপনাদের দানের প্রতিদান দেবার মত কিছু নেই মোদের। চিরঋণীই রয়ে গেলাম। হৃদয়ের অনুভূতিতে তাই বলে যাই।

বিদায়ের ধ্বনি বেজেছে আজ  
এই বিদ্যালয় ছেড়ে যেতে হবে আমাদের আজ।  
হাজারো স্মৃতির চরণ চিহ্ন পেলে  
মায়ার বাধন ছেড়ে।  
হৃদয়ে বাজছে হাহাকার কষ্টের ধ্বনি,  
তবুও তোমাদের ছেড়ে যেতে হচ্ছে এখনি,  
ব্যথিত হৃদয় আজ ভাষাহীন, তবুও বেজে উঠে নিষ্ঠুর বিদায়বীণ।

হে পরম শিক্ষক, শিক্ষিকা মন্ডলী,

আপনাদের সু-চিন্তিত দিক নির্দেশনায় আমরা জাতির ভবিষ্যত কর্ণধার হিসেবে নিজেদেরকে যে সুযোগ্য নাগরিক রূপে গড়ে তুলতে পারি এ দোয়া মোদের কামনা। এ প্রতিষ্ঠানে শিক্ষা গ্রহণকালে আমাদের অনুচিৎ কার্যকলাপ ও রুঢ় আচরণের জন্য আমরা আজ ক্ষমাপ্রার্থী, স্বয়ং মহৎগুণে আমাদের ক্ষমা করবেন, ইহাই আমাদের করুন মিনতি। তাই আমাদের একটি অনুরোধ বাণী-

পিতার তুল্য শিক্ষকদের অমান্য করেছি কথা  
বিদায় লগ্নে চাচ্ছি ক্ষমা সকল শিক্ষকদের তরে  
ভুল করেছি জীবনের যাহা দিবেন ক্ষমা করে।

ওহে প্রিয় শিক্ষার্থী ভাই ও বোনেরা,

অত্র প্রতিষ্ঠানে এসেই হলো তোমাদের সাথে মোদের পরিচয়। মিলেমিশে কাটিয়েছি কয়টি বছর, এবার পরীক্ষা দেবার পালা। আজ যে একান্ত আপনজন, কাল হয়তো তাকে ছেড়ে যেতে হয় এই চিরন্তন সত্যকে অস্বীকার করার সাধ্য কারো নেই। এ বিদ্যালয়টির সহপাঠি হয়ে চলতে ডসয়ে অনাকাঙ্খিত ও রুঢ় আচরণ দ্বারা হয়তোবা তোমাদের হৃদয়ে ব্যাখ্যা দিয়েছি। আজ অনুতপ্ত, নিজ গুনে তা মোদের ক্ষমা করে দিও। তোমাদের সততা ও সুন্দর আচরণ অন্যদের অনুপ্রেরণা দিবে, এই প্রত্যাশা করছি। তোমরা দেশ, জাতি ও সমাজের মুখ উজ্জ্বল করো। আমাদের স্মৃতি মনে রেখ এবং মহান রাব্বুল আলামীনের দরবারে দোয়া করো যেন আমরা কৃতকার্য হয়ে অত্র বিদ্যালয়টির সুনাম বয়ে আনতে পারি।

শুভেচ্ছান্তে  
এসএসসি পরীক্ষা ২০২২ইং এর শ্রেণীর ছাত্র-ছাত্রী বৃন্দ  
আমতলী উচ্চ বিদ্যালয়

বিসমিল্লাহির রাহমানির রাহীম  
আমতলী উচ্চ বিদ্যালয়ের ২০২২খ্রিস্টাব্দ সনের  
এসএসসি পরীক্ষার্থীদের বিদায় উপলক্ষে  
“অশ্রু সিক্ত দুটি কথা”

কবির ভাষায়-

ভিন্ন অক্ষরে বিদায় লিখন যে,  
বড়ই নিষ্ঠুর নির্দয় পাষণ সে।

**হে বিদায় ছাত্র-ছাত্রী!**

ঋতুর রাজ বসন্তের আগমনে প্রকৃতি যখন সেজেছে নব সাজে তখন আমাদের হৃদয়ের পরতে পরতে বেজে চলা সঙ্গীতে বিরহের করুণ সানাই হয়ে বাজল। বিদায় যে কত মর্মান্তিক, কত করুণ তা একটু আগেও বুঝিনি। আপনারদের বিদায় বার্তা আজ আমাদের করেছে নির্বাক। জীবনে চলে যেতে হবে, ছেড়ে দিতে হবে, কিন্তু আপনাদের স্মৃতি শিখা অন্তরে চিরকাল জ্বলবে দাউ দাউ করে।

**হে নতুন পথের সন্ধানী!**

জ্ঞান সমুদ্রের সন্ধানে আপনার উদগ্রীব তাই আপনারাও পথ শেষ করে অন্য পথের সন্ধান পা বাড়িয়েছেন। আপনাদের সামনে জ্ঞান সমুদ্র হাতছানি দিয়ে ডাকছে। আমাদের হৃদয় পাটা কান্না উপেক্ষা করে আপনারা এগিয়ে যান। আপনাদের গৌরবে ধন্য হব আমরা, জাতি পাবে পথের সন্ধান।

**হে অগ্রজ বৃন্দ!**

আজ এ বিদায় বেলায় আমাদের মনে পড়েছে বিগত দিনের কত অফুরন্ত স্মৃতি। সু-দীর্ঘ কয়টি বছরে আপনারা চলে যাচ্ছেন। তবুও আপনারা সীমার বাঁধন পেরিয়ে উচ্চতর এক জীবনের সন্ধানে যাত্রা করেছেন ভেবে আমাদের মনে বেদনার মাঝেও আনন্দেও এক অল্প মধুর ভাব সৃষ্টি করেছে।

**হে নবীন অভিযাত্রী দল!**

জীবনের এক নব দিগন্তের উদ্দেশ্যে আপনাদের এ অভিযাত্রা। আপনাদের সামনে সোনালী প্রত্যাশা। এ বিদ্যাপিঠে জ্ঞান সাধনার মাধ্যমে আপনাদের মাঝে যে অতৃপ্ত আকাঙ্ক্ষা তীব্রতা লাভ করেছে তারই নিরসনে আজ আপনারা বৃহত্তর জ্ঞান সাধনার বিদ্যা পিঠে যাওয়ার প্রস্তুতি নিয়েছেন। আপনাদের এ অগ্রযাত্রা শুভ হোক, সার্থক ও ফলপ্রসূ হোক।

**হে পূর্ব সূরী সাথীরা!**

বিগত কয়টি বছরে আপনারা-আমরা ছিলাম অভিন্ন হৃদয়ে। প্রতিটি কার্যে ও অনুষ্ঠানে আপনারা ছিলেন আমাদের আদর্শ প্রেরণার উৎস। আমাদের আগামী স্নেহু মমতা, সোহাগ-মালা, শ্রদ্ধা, আপনাদের যে বাঁধনে বেজেছে তা চিরদিন থাকবে অক্ষয় ও অম্লান। আপনাদের আগামী জীবনের উত্তরনের প্রতিটি পদক্ষেপের সাথে মিশে থাকবে আমাদের ঐকান্তিক ভালোবাসা ও সু-গভীর শ্রদ্ধা। চলার পথে কখনো আমাদের আচরণে আপনাদের মনেকষ্টের কারণ ঘটিলে ক্ষমার দৃষ্টিতে দেখবেন।

পরিশেষে কামনা করি আপনদের বাকি জীবন ফুল ও ফলের সু-শোভিত হয়ে সমৃদ্ধ করুন দেশ ও জাতিকে।

শুভেচ্ছান্তে

৬ষ্ঠ থেকে ১০ম শ্রেণীর ছাত্র-ছাত্রী বৃন্দ  
আমতলী উচ্চ বিদ্যালয়

